

Ա. Սահակյան

ՄԻ ԷՋ ՀԱՅԿԱԿԱՆ ԿԱՐՄԻՐ ԲԱՆԱԿԻ ՄԱՐՏԱԿԱՆ ՈՒՂՈՒՅ

(Զինվորի օրագրից)

1920 թ. դեկտեմբերի 2-ին կազմակերպվեց Հայկական կարմիր բանակը:

1920 թ. դեկտեմբերի 2-րդ կեսին հրամանատար Վարանովիչին հանձնարարվեց Սարդարաբադի (այժմ Հոկտեմբերյան), 6-րդ գնդից կամավորական սկզբունքով կազմակերպել հատուկ ջոկատ, որի առաջ Շ. Կ. Պ. և կառավարության որոշմամբ խնդիր էր դրվում օգնել լուվա ապստամբներին և օժանդակել Վրաստանի բանվորների պայքարին:

Պարտիզանական հատուկ ջոկատի հրամանատար նշանակվեց ընկ. Վարանովիչը, կոմիսար՝ ընկ. Խ. Բեռգյանը, ջոկատի հրամանատարի տեղակալ՝ ընկ. Ա. Հովակիմյանը, գումարտակի հրամանատար՝ Անդրաբատովը, վաշտի հրամանատարներ՝ Ա. Ազատյանը, Տհմուսը և Մ. Մխչյանը, քաղղեկներ՝ Հ. Սուքիասյանը, Մ. Փափազյանը, Բ. Միտոյանը, Հ. Սարգսյանը, բուժակ՝ Ռ. Բոթոյանը և այլ ընկերներ: Հատուկ ջոկատը դեկտեմբերի վերջին տեղափոխվեց Քանաքեռ, իսկ 1921 թ. փետրվարի առաջին կեսին, եկավ Երևան: Կանգ առավ Աստաֆյան (ներկայումս Աբովյան) փողոցի № 16 շենքի առաջ, որտեղ տեղավորված էր ՀԿ(Բ) պարտիայի Կենտրոնական Կոմիտեն (այժմ ՀԿՊ Երբաղկոմի Շահումյանի անվան Քաղլուս տուն):

Պատշգամբում երևացին բրիգադի կոմիսար Լ. Մխչյանը, հատուկ ջոկատի հրամանատար Վարանովիչը և ուրիշ ընկերներ: Կայացավ միտինգ, որտեղ ելույթ ունեցան Լ. Մխչյանը և Վարանովիչը: Այնուհետև ջոկատը վերադարձավ Քանաքեռ:

Հաղթահարելով դժվարությունները, ջոկատին հաջողվեց, 1921 թ. փետրվարի 9-ին հասնել Ղաղախ: Նրան դիմավորեցին տեղի աշխատավորությունը և 20-րդ գիվիզիայի կազմը, որի հրամանատարն էր Մ. Վելիկանովը:

Ղաղախում փետրվարի 11-ին, ջոկատը շարժվեց դեպի Կողբ (Նոյեմբերյան) և Շնող գյուղերը: Հարձակման շերտն էր Այրում կայարանի հյուսիսարևելյան լեռան լանջերը:

Ամբողջ գիշեր ջոկատը առաջ էր շարժվում: Հետախուզության պետ ընկ. Ավդալյանը հայտնեց, որ գետի վրա կա երկու գերանից մի կամուրջ, որի վրայով կարող է անցնել միայն հետևակը, այն էլ զրահապատ գնացքը կրակի տակ է պահում: Հետախուզությունը սարից սկսեց քարեր գլորել երկաթգծի վրա, որից հետո զրահապատ գնացքը ստիպված եղավ նահանջել: Հրաման եղավ արագ անցնել կամուրջը և հարձակման դիրք գրավել: Սկսվեց հրացանների և զնդացիրների կրակոցների համատարած ճարճատյունը: Մարտը կար-

1 Հետապալում այդ հատուկ ջոկատը համալրվեց լուվա պարտիզանական ջոկատով և վերանվանվեց 4-րդ հայկական լուվա դուկո:

ճատեւ եղաւ: Մեր գնդացրային կրակը և մարտիկների հարձակումը ստիպեց հակառակորդին ետ նահանջել մոտ երկու և կես կիլոմետր, թողնելով սպանվածներ, վիրավորներ: Առաջ շարժվեցինք Սաղախլու դյուղի ուղղութեամբ: Զոկատի աջ թևից հարձակվում էին 20-րդ դիվիզիայի զորամասերը, ձախից՝ Լոռվա պարտիզանական ջոկատը:

Զոկատը առաջ շարժվեց և նոր դիրքեր գրավեց: Ղարաղաղ լեռան բլուրները անցնում էին ձեռքից ձեռք: Մեր ջոկատի դեմ կռվում էին մենշևիկների 6-րդ գունդը և մենշևիկյան «Գվարդիական» զորամասերն ու զրահապատ դնացքը: Հակառակորդը օդովելով մթությունից՝ նահանջեց դեպի Սաղախլու և ուղղութիւն վերցրեց դեպի Շուլավեր:

Փետրվարի 13-ին ջոկատը հարձակման անցավ Սաղախլու և Շուլավեր գյուղերի ուղղութեամբ: Նույն օրը 2-րդ վաշտի հրամանատար Ա. Ազատյանի ղեկավարութեամբ՝ գրոհով ազատագրվեց Սաղախլու գյուղը և երկաթգծի կայարանը:

Այդ հաղթանակի մասին «Կոմունիստ» թերթի 1921 թ. փետրվարի 17-ի N 58-ում գրված է. «Լայնացնելով իր հաղթական հարձակումը, Լոռու գյուղացիները, հեղափոխական զորախումբը կռվով վերցրեց Սաղախլուն: Մեր զորամասերը առաջանում են դեպի Շուլավեր: Այժմ մեր գրաված շրջանի վրացական օկուպացիոն բանակը ամբողջապես ջախջախված է: Մեր կողմն անցան ավելի քան 3000 հոգի: Գերիները շատ են, նույնքան էլ ցրվել են դաշտերը և լեռները»²:

Փետրվարի 14-ին ջոկատը գրավեց Քաթըղ-գաղի լեռնաշղթան: Մարտական կարգով առաջ շարժվեց: Շուլավեր (այժմ Շահումյան) գյուղի հարավ-արևմտյան կողմի բարձունքից դիմադրութիւն ցույց տվեց հակառակորդի հեծյալ վերջապահ ուժերը: Մի ժամ անց սարը գրավվեց և ջոկատը առաջ շարժվեց:

Փետրվարի 15-ին ջոկատն արդեն Շուլավերում էր: Տեղի աշխատավորութիւնը վերջինիս դիմավորեց ջերմ խանդավառութեամբ և հյուրասիրեց: Հանդրատանալուց հետո ջոկատը ստացավ նոր խնդիր՝ գրավել Թիֆլիսից-Փրեան գնացող երկաթգծի հրամ գետի վրայի կամուրջը:

Փետրվարի 16-ի լուսաբացին կամուրջը գրավվեց: Պարզվեց, որ հակառակորդը գետի ձախ ափում թողել է դաշտային պահակ և հետևից նահանջել, նրանք էլ լուսաբացին փախուստի դիմեցին: Լոռվա «չեզոք գոտին» ազատագրվեց 1921 թ. փետրվարի առաջին կեսին, բայց դրանով բանակի առաջ շարժումը չդադարեց: Զորամասերը նոր հրաման ստացան, — վճռական հարձակման անցնել դեպի Թիֆլիս:

Փետրվարի 16-ին ջոկատը հրամ գետի աջ ափին էր, աղբեջանական Ամիր և Կուլար գյուղերը ջոկատին ճաշկերույթ տվեցին: Ժաշկերույթից հետո ջոկատը շարժվեց դեպի Կողի գյուղը և Կումիս լճի հյուսիս-արևելյան բարձունքները, որտեղ և պատրաստվեց հարձակման:

Փետրվարի 17-ին Կողի գյուղի բարձունքում հայտնի դարձավ, որ Շուլավերում (այժմ Շահումյան) կազմակերպվել է ռևոլյուցիոն կոմիտե, որի անդամներն էին Ս. Գեգեչկորին, Ֆ. Մախարաձեն, Հ. Նազարեթյանը, Օրախելաշվիլին և Վրաստանի այլ կոմունիստներ: Կոմիտեն ղեկավարելու էր Վրաստանի

² «Կոմունիստ», 1921, փետրվարի 17, N 58:

զինված ապստամբությունը: Վրաստանում ավելի է ուժեղանում բանվորա-գյուղացիական մասսաների ապստամբությունը, այն տարածվում է մի շարք գավառներում և համաժողովրդական բնույթ կրում:

«Փետրվարի սկզբին մեծ ապստամբություն ուղղվեց, որը զարմանալի արագությամբ տարածվեց և ընդգրկեց ոչ միայն վրացական բնակչությանը, այլև հայ բնակչությանը»³:

Ռեկոմի առաջին քայլն այն եղավ, որ կոշով դիմեց աշխատավորությանը և բանակին՝ մենշևիկների կառավարության տասյալմսն և սովետական իշխանությունն հռչակելու մասին:

Փետրվարի 19-ին, լուսաբացին, ջոկատը մարտական կարգով առաջ շարժվեց: Սկսվեց անհավասար մարտը: Առաջին գծում հակառակորդը կենտրոնացրել էր յունկերների բանդիտական զորամասերը: Հակառակորդը փորձեց կասեցնել պրոհր, բայց արդեն ուշ էր: Ստիպված էր նահանջել, մարտի դաշտում թողնելով սպանվածներ, վիրավորներ և զինամթերք:

Նույն օրը ջոկատի ձախ թևը գրավեց Տալախելա գյուղի հարավ-արևմուտյան բարձունքը, իսկ աջ թևը՝ Ֆունիկուլյորից մոտ վեց կիլոմետր դեպի հարավ-արևմուտք էր գտնվում:

Փետրվարի 23-ին ընդհանուր հարձակման հրաման եղավ, գործել սկսեցին թնդանոթները, հրահանգ եղավ շարժվել առաջ դեպի Կոջոռ: Թնդանոթային և զնդացրային կրակի տակ ջոկատն առաջ շարժվեց: Թիֆլիսի համար մղվող մարտը վճռում էր մենշևիկների բախտը:

Նույն օրը լուսալույսին ազատագրվեցին Տալախմեկա գյուղը, իսկ երեկոյան մարտ էր գնում Կոջոռ գյուղի և նրա հյուսիսային բարձունքի համար: Մենշևիկները մարտի մեջ մտցրին նոր թարմ յունկերական և «ամարդիական» զորամասեր: Մարտն անհավասար էր, շնայած դրան, փետրվարի 24-ին, լուսաբացին՝ ջոկատն արագ և վճռական գրոհի նետվեց, ազատագրեց Կոջոռ գյուղը և գրավեց նրա հյուսիսային կողմի անտառապատ բարձունքները և զերեց մի դասակ՝ մենշևիկյան բանակի 5-րդ գնդի զինվորներ և սպաներ:

Վրաստանի կոմունիստական պարտիայի կատարած ակտիվ ագիտացիոն աշխատանքի շնորհիվ մենշևիկյան զորամասերի շարքային զինվորների մեծ մասը չէր ուզում կռվել ռուս, հայ և այլ ազգության բանվորների և գյուղացիների դեմ: Սակայն Այրում կայարանի հյուսիս-արևելքում և հարավ-արևմուտքում (Լոռու սարահարթ), որտեղ պատսպարված էին «զվարդիան» և յունկերները, ուժեղ դիմադրություն էր ցույց տրվել:

1921 թ. փետրվարի 25-ին, երեկոյան ջոկատն իր ամբողջ կազմով Մանգլիսի խճուղով, Սուլուակի կենտրոնական փողոցով մտավ Վրաստանի մայրաքաղաք Թիֆլիս: Այդ փողոցի սկզբից մինչև Միխայլովսկայա (այժմ Պլեխանովի) փողոցը, որտեղ այն ժամանակ գտնվում էր մենշևիկյան յունկերների դպրոցը, ամբողջ ճանապարհի երկու կողմերը քաղաքի բանվորները և աշխատավորությունը կանգնած, ողջունում էին կարմիր բանակայիններին: Ուռաների որոտի տակ ջոկատը հաղթական քայլերով զնաց իրեն հատկացված տեղը:

Թիֆլիսի մյուս ծայրամասերից քաղաք մտան 20-րդ դիվիզիայի զորամասերը և Վրաստանի ապստամբների ջոկատը: Վրացական ՍՍՌ Ռեկոմը ժամանեց Թիֆլիս: Ժողովուրդը մեծ խանդավառությամբ ընդունեց նրան:

3 Լենին, Երկեր, հատ. 32, էջ 176:

1921 թ. փետրվարի 27-ին Թիֆլիսում Երևանյան (այժմ Լենինյան) հրապարակում կայացավ միտինգ, որտեղ ելույթ ունեցան Վրացական ՍՍՌ Ռեկոմի անգամներից 11-րդ կարմիր բանակի հրամանատար Ա. Գեկկերը և ուրիշ ընկերներ:

Այն ժամանակ, երբ Հայաստանում քաղաքացիական կռիվներ էին տեղի ունենում, հայկական կարմիր բանակի որոշ զարամասեր Վրաստանի մենշևիկյան կառավարության գեմ ապստամբած բանվորներին և աշխատավոր գյուղացիությանը եղբայրական օգնության ձեռք էին մեկնել: «Հիշենք և այն, որ մեր բանակի մի մասը փետրվարին մասնակցում էր վրացական մենշևիկներին կառավարության վերացման գործին»⁴, 11-րդ կարմիր բանակի զորամասերը և Վրաստանի ապստամբած աշխատավորությունը մարտի 1-ին ազատագրեցին Գորի քաղաքը, մարտի 5-ին Խաշուրին: Այն զոհերը, որ տվեց Հայկական կարմիր բանակը 11-րդ կարմիր բանակի շարքերում, Վրաստանի աշխատավորությանը ցույց տված մարտական օգնության ընթացքում, հիմք դրեց Անդրկովկասի աշխատավոր ժողովուրդների ինտերնացիոնալ համերաշխության ու խաղաղության հոյակապ շենքին:

Շուտով ջոկատը համալրվեց Լոռվա պարտիզանական ջոկատով, կազմակերպվեց 2-րդ գումարտակը: Հատուկ ջոկատը վերանվանվեց 4-րդ հայկական: Լոռու գոնդ, որտեղ 2-րդ գումարտակի հրամանատար նշանակվեց Գ. Օզանեցովը:

Մարտերին մասնակցած նախկին դասակի հրամանատար, այժմ պաշտոնաթող փոխ-գնդապետ Արամ Սահակյան.

⁴ Ա. Ս յ ա ս ն ի կ յ ա ն, Հետիւր երկեր, 1957, էջ 372: